

第四一二冊

明倫彙編

閩媛典

閩節部

三三三
(卷)

古今圖書集成

中華書局影印

古今圖書集成

中華書局影印

欽定古今圖書集成明倫彙編閩媛典

第二百二十二卷目錄

閩節部列傳一百四

明九十九

范氏女

余大榮妻俞氏

葉漢妻俞氏

黃良棟妻錢氏

馮夢寶妻吳氏

趙世寧妻徐氏

洪應霖妻童氏

郭應春妻何氏

諸葛思經妻趙氏

范樽妻方氏

徐上翰妻余氏

畢邦迷妻鄭氏

徐承澤妻胡氏

徐學賜妻范氏

方洲妻李氏

諸葛邦立妻汪氏

余德基妻胡氏

諸葛凝妻陳氏

吳應綬妻章氏

趙希典妻童氏

滕大年妻葉氏

章泰亨妻何氏

趙鳳釐妻胡氏

童懋禮妻范氏

傅福妻周氏

馮光煒妻王氏

郭鼎妻柴氏

朱應時妻賈氏

徐汝瑚妻朱氏

柳希孟妻陳氏

柳天培妻姜氏

嚴光裕妻張氏

徐如巖妻章氏

鄭如萼妻吳氏

姚景晞妻朱氏

葉廷選妻嚴氏

陳元盛妻劉氏

徐應辰妻黃氏

鄭時學妻朱氏

諸葛大義妻張氏

章文玉妻何氏

邵倬妻章氏

趙啓光妻童氏

劉志浩妻某氏

朱良臣妻金氏

章友直妻鮑氏

趙初妻童氏

董名高妻朱氏

徐見統妻姜氏

童曰英妻鮑氏

何思忠妻羅氏

盛學忠妻滕氏

徐德彰妻姜氏

方瑛妻胡氏

方希元妻洪氏

徐珏妻鮑氏

李英妻童氏

鄭聘妻楊氏

丁應美妻楊氏

趙世福妻郭氏

戴尚賢妻張氏

葉宗填妻吳氏

余懋憲妻周氏

朱仍壽妻何氏

宋邦棧妻馬氏

包應登妻湯氏

鮑潘妻蘇氏

林中端妻李氏

李九標妻施氏

王國賢妻鮑氏

應思聖妻曾氏

伍貞善妻陳氏

夏茂妻施氏

張明良妻胡氏

方譚妻朱氏

徐文魁妻王氏

章尚忠妻趙氏

邵廷珍妻金氏

方淖妻諸葛氏

方世科妻沈氏

徐汝高妻何氏

徐見聖妻水氏

祝匡啓妻柳氏

鮑萬祥妻李氏

滕臨妻鄭氏

章宜家妻鄭氏

唐起大妻翁氏

應尚祖妻戴氏

柳希點繼室張氏

董星偉妻鄭氏

徐惟俊妻許氏

張俊德妻謝氏

余孝德妻詹氏

孫子龍妻王氏

林大莊妻徐氏

周朝宰妻龔氏

伍列爵妻宋氏

曹廷卿妻陳氏

黃一蕪妻應氏

王良仕妻魏氏

潘廷珂妻陳氏

張錫妻繆氏

林賜妻徐氏

朱正倫妻林氏

李彥時妻應氏

虞良璧妻麻氏

田同言妻鄭氏

田芳春妻李氏

朱色錦妻田氏

李繼承妻周氏

樊弘意妻麻氏

葉弘妻余氏

鄭季廉妻戴氏

陳宗達妻王氏

鄭日章妻吳氏

陳福祥妻鄭氏

鄭有哲母全氏

徐德貴女

陳承祖妻朱氏

鄭有經妻王氏

林文白妻包氏

鮑杉妻徐氏

陳餘音妻葉氏

楊正仁妻施氏

朱秉思妻徐氏

朱芝蘭妻田氏

田時昌妻鄭氏

陳有時妻葉氏

應九思妻徐氏

田國泰妻李氏

姚信妻吳氏

姚輕貝妻吳氏

鄭中道妻王氏

鄭正浩妻陶氏

潘高聘妻鮑氏

章元器妻盧氏

鄭毓英妻王氏

陶明猷妻鄭氏

吳道源妻鄭氏

閩媛典第二百二十二卷

閩節部列傳一百四

明九十九

范氏女

按金華府志范氏女許字章宜實未幾宜賓得瘵證形如嬰孩父母欲圖別嫁女知之給曰乞與一面再議未晚遂至章家不返十年而宜賓始沒撫姪繼嗣艱苦萬狀年八十五卒事聞賜建坊旌其門

童懋禮妻范氏

按金華府志范氏年十九歸童懋禮二年懋禮得狂疾嘗以鐵練鎖禁室中氏紡績以辦衣食雖痛遭撻辱無愠色五年懋禮亡或勸之曰狂暴之人有何恩愛且家甚貧又無子胡不他適氏大慟曰予之遇此命也嚙指血淋漓以示遂終守極苦無怨年七十六卒郡縣旌其門

余大榮妻俞氏

按金華府志俞氏余大榮妻年二十三夫亡二子尚幼矢志撫孤足不踰閭事舅姑盡孝訓子啓元啓魁甫弱冠俱食餼於庠事聞旌表

傅福妻周氏

按金華府志周氏傅福妻福死氏年二十二子一在抱一在娠父母勸更適號泣不從再逼之即自縊姑救得甦苦織紵以奉舅姑守節七十餘年卒

葉漢妻俞氏

按金華府志俞氏葉漢妻年未三十夫亡撫養四子成立年九十六卒

馮光燁妻王氏

按金華府志王氏馮光燁妻相夫教子無愧閭儀夫亡苦節年踰七旬始終如一事聞旌之

黃良棟妻錢氏

按金華府志錢氏黃良棟妻夫病亡氏年未二十守節始終無二子茂榮早喪媳朱氏方及笄與姑相依貧苦共守久而彌堅姑年八旬婦守三十餘年卒

郭鼎妻柴氏

按金華府志柴氏郭鼎妻年二十夫亡伯氏逼嫁百端歸倚父家撫遺孤艱辛六十年如一日天啓間建坊旌表

馮夢寶妻吳氏

按金華府志吳氏馮夢寶妻夫沒二子俱幼氏矢志苦守終身不二年八十有司旌之

朱應時妻賈氏

按金華府志賈氏朱應時妻年二十二夫亡遺孤賈啓殊幼家貧苦守孝養舅姑舅以哭子喪明氏割股求救目漸明尋亦沒氏竭力治殮鄰失火將延及其居氏拊棺號泣火遂滅年六十餘縣令旌表

趙世寧妻徐氏

按蘭谿縣志徐氏諸生趙世寧妻年二十夫亡守志堅貞孝事翁姑終老有司旌之

徐汝瑚妻朱氏

按蘭谿縣志朱氏徐汝瑚妻年十九歸二十三夫亡矢志貞守事姑撫孤始終如一有司旌之

洪應霖妻童氏

按蘭谿縣志童氏洪應霖妻年十八歸未三載夫亡撫孤守節至死不變縣令旌表

柳希孟妻陳氏

按蘭谿縣志陳氏柳希孟妻年二十八夫亡守志五十五年終孟弟希忠妻姚氏年三十夫亡守志四十二年並遇旌表

郭應春妻何氏

按蘭谿縣志何氏郭應春妻孝事翁姑和睦姻夫死哀毀忍死撫孤苦節四十年事聞旌表

柳天培妻姜氏

按蘭谿縣志姜氏諸生柳天培妻培補弟子員未久而沒氏寡居貞靜緘默至戚罕見其面而回祿肆災氏室獨存人以爲苦節之報

諸葛思經妻趙氏

按蘭谿縣志趙氏諸葛思經妻年二十夫亡孕而未育距夫死六月而產一子遂矢志守節父欲奪其志即剪髮以誓絕跡不歸省邑令旌之

嚴光裕妻張氏

按蘭谿縣志張氏河西嚴光裕妻年十六而嫁二十四寡徹貧勤紡績以供翁姑甘旨歷艱難無怨訓二子用資用威克成先志年七十餘終邑令旌表

范樽妻方氏

按蘭谿縣志方氏范樽妻年十七歸樽未幾夫亡父兄舅姑憐其少欲嫁之氏矢志堅定卒不可奪年逾七十有司旌焉

徐如巖妻章氏

按蘭谿縣志章氏長塘後徐如巖妻年二十夫亡守節訓子啓彥成立苦志五十年旌表

徐上翰妻余氏

按蘭谿縣志余氏邑庠生徐上翰妻年方二十無子勸夫娶妾生兆甲甫三歲而夫沒守志訓甲成立郡縣旌之

鄭如萼妻吳氏

按蘭谿縣志吳氏太學生鄭如萼妻年二十二夫亡矢志守節撫孤事姑節孝並著

畢邦迷妻鄭氏

按蘭谿縣志鄭氏知印畢邦迷妻年十九夫亡矢志撫孤事姑至孝事聞旌表

姚景晞妻朱氏

按蘭谿縣志朱氏姚景晞妻年十九夫亡矢志守節撫孤成人年七十事聞旌表

徐承澤妻胡氏

按蘭谿縣志胡氏徐承澤妻年二十三夫亡守志六十年卒有司表其門

葉廷選妻嚴氏

按蘭谿縣志嚴氏葉廷選妻年二十四夫亡遺孤甫八月孑身撫育歷五十年事聞旌表

徐學聘妻范氏

按蘭谿縣志范氏徐學聘妻年二十二夫亡遺腹生子茹荼苦守六十五年卒有司卹之

陳元盛妻劉氏

按蘭谿縣志劉氏陳元盛妻年二十二夫亡守志撫孤事翁姑以孝郡縣表其門

方洲妻李氏

按蘭谿縣志李氏方洲妻夫亡年十八紡績以奉姑嫜脫簪珥以葬夫骨郡縣旌之

徐應辰妻黃氏

按蘭谿縣志黃氏徐應辰妻年十九夫亡守節至八十終縣令旌表

諸葛邦立妻汪氏

按蘭谿縣志汪氏諸葛邦立妻生一女年二十四夫亡兄勸再醮不從拮据葬姑撫繼孤承祀年逾六十邑令表其門

鄭時學妻朱氏

按蘭谿縣志朱氏鄭時學妻夫死氏年十九矢志貞守有司旌表

余德基妻胡氏

按蘭谿縣志胡氏余德基妻年二十七夫死無子守節撫嗣子以存夫祀縣令旌表

諸葛大義妻張氏

按蘭谿縣志張氏年十六適諸葛大義生一女尋殤氏年十八夫往廣西客亡矢志苦節依母家以紡績自食年近七旬邑令旌表

諸葛凝妻陳氏

按蘭谿縣志陳氏年十六適庠生諸葛凝二十而夫亡止一子際昌甫六月氏矢志守節孝事翁姑和處如婢訓子成人邑令旌表

章文玉妻何氏

按蘭谿縣志何氏章文玉妻年二十夫亡苦守撫二歲子成立歷五十年終

吳應綬妻章氏

按蘭谿縣志章氏吳應綬妻年十九而孀遺孤週歲矢志苦守紡績終身

邵俸妻章氏

按蘭谿縣志章氏邵俸妻夫亡氏年二十子幼甘貧守志孝事其姑終老

趙希典妻童氏

按蘭谿縣志童氏趙希典妻年十九夫亡守志六十餘年卒

趙啓光妻童氏

按蘭谿縣志童氏趙啓光妻年十九夫亡矢志守節年四十歲終

滕大年妻葉氏

按蘭谿縣志葉氏滕大年妻年十七于歸二十二孀居苦節學使旌之

劉志浩妻某氏

按蘭谿縣志某氏劉志浩妻夫亡年三十堅貞苦守閨里稱之

章泰亨妻何氏

按蘭谿縣志何氏邑庠生章泰亨妻武舉人章助母年二十六夫沒矢志守節歷五十六年邑令旌表

朱良臣妻金氏

按蘭谿縣志金氏太平鄉朱良臣妻應秋母也良臣沒氏年二十五罄妝殯葬矢志柏舟紡績撫孤成人應秋亦克承順邑令旌之

趙鳳釐妻胡氏

按蘭谿縣志胡氏趙鳳釐妻年十七釐奉命封王氏代養翁姑翁疾割股以救不治釐歸廬墓傷感繼沒氏年二十四矢志終身事聞旌表

章友直妻鮑氏

按蘭谿縣志鮑氏章友直妻

按蘭谿縣志鮑氏章友直妻年十六于歸二十五夫
亡紡績事姑苦志守節郡縣各旌其門

趙初妻董氏

按蘭谿縣志董氏趙初妻年十七歸初二十一寡矢
志苦守撫養二子成名年八十縣令旌之

張明良妻胡氏

按蘭谿縣志胡氏張明良妻年十八于歸二十一而
寡撫孤守節邑令表其門

董名高妻朱氏

按蘭谿縣志朱氏董名高妻年十九夫亡紡績存孤
志堅金石郡邑旌其門

方譚妻朱氏

按蘭谿縣志朱氏方譚妻年十七于歸十九而寡姑
欲令改適不從苦守終老邑令旌之

徐見統妻姜氏

按蘭谿縣志姜氏徐見統妻年二十五夫病割股苦
救不痊矢志貞守撫孤承祀縣令旌之

徐文魁妻王氏

按蘭谿縣志王氏徐文魁妻年十七而嫁二十三夫
死事姑撫子苦節終身邑令旌表

童曰英妻鮑氏

按蘭谿縣志鮑氏童曰英妻年十六歸英二十三夫
亡苦守遺孤志同冰雪

章尚忠妻趙氏

按蘭谿縣志趙氏章尚忠妻年十九歸忠未三載夫
沒矢志守孤兒成人縣令旌表

何思忠妻羅氏

按蘭谿縣志羅氏諸生何思忠妻年二十夫亡矢志
苦守勉事翁姑紡績訓子節孝兼盡

邵廷珍妻金氏

按蘭谿縣志金氏邵廷珍妻年二十一夫亡守志茹
苦孝事舅姑訓子不辭勞瘁縣令旌其門

盛學忠妻滕氏

按蘭谿縣志滕氏盛學忠妻石塘人夫病割股顧天
力救不愈及亡氏年二十一遺腹生男世昌茹苦撫
之成人郡縣旌表

方淖妻諸葛氏

按蘭谿縣志諸葛氏方淖妻年十六于歸十九夫亡
孝事翁姑撫孤成立公舉旌其門

徐德彰妻姜氏

按蘭谿縣志姜氏儒士徐德彰妻年十九歸德彰三
年而夫病篤每囑氏改適氏斷髮為誓矢志終身郡
縣旌表

方世科妻沈氏

按蘭谿縣志沈氏方世科妻年十八夫亡守遺孤以
延宗祀矢志終身年七十郡縣旌表

方瑛妻胡氏

按蘭谿縣志胡氏方瑛妻奉姑至孝事夫至順年二
十夫病疫亡矢志守節被旌表

徐汝高妻何氏

按蘭谿縣志何氏徐汝高妻年二十孀居家貧紡績
以事翁姑苦節終老有司旌之

方希元妻洪氏

按蘭谿縣志洪氏方希元妻年十六歸方未二載而

元客游數載始歸不二月亡氏先與夫立誓守孤終
始無異縣令旌之

徐見聖妻水氏

按蘭谿縣志水氏徐見聖妻年十七于歸十八夫病
調治不痊及亡苦志守節紡績撫孤郡縣旌表

徐廷妻鮑氏

按蘭谿縣志鮑氏徐廷妻年二十一夫亡投繯剪髮
永矢堅貞孝事翁姑撫育繼子終老

祝匡啓妻柳氏

按蘭谿縣志柳氏祝匡啓妻年十六夫亡撫育遺孤
孝事姑嫜苦節終老

李英妻童氏

按蘭谿縣志童氏李十五英妻年二十三夫亡孑然
無依父母欲其改適不從撫孤以延李祀被旌表

鮑萬祥妻季氏

按蘭谿縣志季氏鮑萬祥妻祥死氏年二十四子偉
纔數歲矢志靡他孀居四十餘年延師教子家以不
墜邑令旌其門

鄭賜妻楊氏

按蘭谿縣志楊氏諸生鄭賜妻性淑慎勸夫買妾以
紹箕裘奉姑克謹夫亡矢志靡他苦節以存鄭後事
聞旌之

滕臨妻鄭氏

按蘭谿縣志鄭氏年十七歸大塘庠生滕臨二十而
孀遺孤兒周藉甫二齡家貧針線度日撫子成人縣
令旌其閭

丁應美妻楊氏

按蘭谿縣志楊氏丁應美妻年十六于歸二十五夫
以孝事翁姑撫育孤子卒年八十有二

章宜家妻鄭氏

按蘭谿縣志鄭氏儒士章宜家妻年二十二夫沒二
子長如蛟甫三歲次如鴻尚穉祿氏撫二孤苦志守
節事舅姑以孝聞年八十五郡縣旌表

趙世福妻郭氏

按蘭谿縣志郭氏諸生趙世福妻年二十一夫亡守
節事姑至孝

唐起大妻翁氏

按蘭谿縣志翁氏唐起大妻年十八而嫁二十四夫
亡姑與母哀其無子勸他適不從抱姪明宇存祀躬
紡績以供饘粥年八十六邑令旌之

戴尚賢妻張氏

按蘭谿縣志張氏邑庠生戴尚賢妻年十八于歸甫
五載夫亡矢志守節歷五十年如一日縣令請旌表
應尚祖妻戴氏

按蘭谿縣志戴氏應尚祖妻年十六而嫁其年夫亡
越六月產遺腹子明輔親屬因其年少家貧諷使他
適不從卒全其節郡縣旌之

葉宗填妻吳氏

按蘭谿縣志吳氏葉宗填妻年二十一夫亡幾欲以
身殉念姑老于幼因毀容矢志姑病割股以救及沒
脫簪珥治葬年七十四終有司旌之

柳希點繼室張氏

按蘭谿縣志張氏憲副柳希點繼室增廣生柳德久
母早寡撫孤志堅同穴陸應揚陳繼儒爲之傳贊

余懋憲妻周氏

按蘭谿縣志周氏余懋憲妻年十八夫沒堅貞守志
撫子及長又沒復撫幼孫爲諸生有司旌表

董星偉妻鄭氏

按蘭谿縣志鄭氏庠生董星偉妻年十八夫病割股
以救及亡守節終老事聞旌之

朱仍壽妻何氏

按建德縣志何氏朱仍壽妻年二十八夫亡守志年
八十終旌旌其門

徐惟俊妻許氏

按建德縣志許氏徐惟俊妻年二十四夫亡姑老子
幼事姑盡孝教子成立鄉里稱之年八十卒

宋邦棧妻馬氏

按建德縣志馬氏宋邦棧妻年十八夫亡無子苦節
事姑以孝聞姑病嚔禱願以身代病即愈足不履戶
臥不解衣家無担石紡績以資朝夕後姪賢爲中丞
膳養之年七十五終天啓間旌表

張俊德妻謝氏

按建德縣志謝氏張俊德妻夫死遺孤六月誓死守
節姑以哭子喪明氏日爲舐之誓開如初艱苦備嘗
教子成立年七十一終有司旌表

包應登妻湯氏

按建德縣志湯氏包應登妻年二十夫病爲割股以
進夫死撫育孤女課姪如子郡縣旌之年七十五終

余孝德妻詹氏

按遂安縣志詹氏諸生余孝德妻幼有志節孝德亡
堅守不二弟可尚早亡弟婦余氏亦苦節自誓二婦

皆年少無子互相砥礪稱雙節

鮑潘妻蘇氏

按溫州府志蘇氏瑞安人鮑潘妻庠生世芳母也年
十九而寡世芳生甫三月家益貧落氏紡績以養姑
撫世芳成立以文行稱天啓間詔採節孝御史馮督
學孫列狀以聞建坊旌表復其家

孫子龍妻王氏

按溫州府志王氏孫子龍妻瑞安人年十九夫亡無
嗣痛哭起臥柩側及葬就墳截髮欲以身殉舅力勸
歸號慟逾於初喪學使旌其閭

林中段妻李氏

按溫州府志李氏林中段妻瑞安人年二十于歸甫
二載中端省父任所病亡訃至氏慟欲捐生念有遺
腹而止越月生男適夫柩至哀求啓棺痛哭殯絕妯
娣救甦自後恆無乾健坊形骨立辟績奉養舅姑箠
燈課子天啓間中丞表其門

林大莊繼妻徐氏

陳氏江氏附

按溫州府志徐氏林大莊繼妻瑞安人年十九夫亡
子守身前妻出也徐撫如所生含茶茹藥垢面蓬首
孀居五十年守身娶陳氏年二十九亦寡陳矢志如
姑姑媳相對慟哭鄰里常爲之罷食家日落陳拮据
奉姑撫五子俱長得昭補邑廩生娶江氏年二十
五得昭喪子增彩方四歲增志僅踰月江誓守益篤
陳因痛子遺疾五載江奉侍湯藥寒暑不倦邑人稱
世節之門有司題旌建坊表之增志貴江贈孺人

李九標妻施氏

按平陽縣志施氏李九標妻讀書工章句年未三十

而寡家貧以紡績度日長子元發僅十齡躬自教訓日夜不倦究成名儒

周朝宰妻龔氏

按平陽縣志龔氏周朝宰妻夫亡以節著詔旌表

王國賢妻鮑氏

按平陽縣志鮑氏邑庠生王國賢妻年二十三夫亡翁姑老而貧無所依倚鮑日夜號泣誓不改操為鄰婦紡績補綴以供糜粥姑沒親為營葬有虎為之衛

伍列爵妻朱氏

按平陽縣志朱氏伍列爵妻樂安論如淵孫婦也幼知書年二十三夫沒遺孤採方乳或勸再醮曰上有姑下有子惟盡養育以報先人為伍氏鬼耳姑多病躬調湯藥飲食必求所好嘗出簪珥衣服鬻為甘旨資姑間欲以有餘私所親宋輒婉順教子力學紡織伴讀夜分不倦尋以勞傷成疾而卒

應思聖妻曾氏

按平陽縣志曾氏應思聖妻年二十三而寡女方二齡遺腹生子隻身守志葬姑及夫訓子嫁女卒年七十邑令表其門

曹廷卿妻陳氏

按平陽縣志陳氏曹廷卿妻鹽城典史逢康媳也幼知書史讀列女傳言動一遵內則年十八適卿甫四載夫與翁相繼沒姑婦相依茹苦守節撫孤天龍肄業成立戚里具欲以事聞命孤婉辭曰薄命應爾非干譽也乃止

伍貞善妻陳氏

按平陽縣志陳氏伍貞善妻應天府丞一元族女也

幼知詩書及笄適伍未二載夫亡年二十一遭子甫晬上事老姑下撫孤雛以繼先人口授其子以孝經論語諸書十五入邑庠食廩姑馮氏壽九十四終邑人鄭思恭為之傳

黃一鸞妻應氏

按平陽縣志應氏黃一鸞妻本姓魯年二十四夫亡矢志無二奉翁姑撫兒女行止端重足不及戶外所居近市旋取石甃之年七十餘卒邑令旌其門

夏茂妻施氏

按平陽縣志施氏夏茂妻茂年十八以疾亡施年亦十八止生一女名珩甫旬餘矢志無他歸依其母性端嚴不妄言笑終身屏絕華飾嘗謂女曰汝父夭折吾欲死殉所以隱忍苟活者憐汝幼也汝勉勵成人毋負汝父後女適庠生李愷氏年五十三終

王良仕妻魏氏

按泰順縣志魏氏坊隅諸生王良仕妻年二十二夫亡遺腹三月生子家謨眾以青年疑之乃誓曰婦忍為禽獸他日何顏見良人於地下遂閉戶守柩紡績終身年八十四縣令旌之

潘廷珂妻陳氏

按泰順縣志陳氏坊隅民潘廷珂妻宜興縣丞顯道女也廷珂艱於嗣息時患癰疽之疾氏躬侍湯藥習臭穢經年無懈及沒悲慟幾絕矢志靡他告廟立姪承嗣緝繡訓讀應門無五尺之童非妯娌不得相見教嗣子為諸生壽七十一終

林文白妻包氏

按泰順縣志包氏曉峴民林文白妻年十九白亡子

綰週歲父母欲奪其志遂以死誓與父母絕二十餘年居家奉侍舅姑不少廢禮教養幼子勤儉理家基業不墮鄉人稱女丈夫

張鑑妻繆氏

按泰順縣志繆氏張鑑妻年二十三夫亡子雍甫三歲誓不再適事舅姑孝謹教子以義方以故雍為人方正純雅能讀書皆母訓也婦居五十年劇戲未嘗接目為鄉閭所重

鮑杉妻徐氏

按泰順縣志徐氏坊隅民鮑杉妻事舅姑孝謹年二十夫亡遺腹生子時化焚焚孤守教之讀書終身不事膏沐不服華彩婦居三十餘年內外稱頌

林賜妻徐氏

按泰順縣志徐氏坊隅民林賜妻年二十九夫亡姑毛氏以過慟喪明氏奉姑撫子晨夕不懈或勸其改適輒正色斥之姑年百歲氏年六十四卒

陳餘音妻葉氏

按青田縣志葉氏陳餘音妻年二十三夫亡撫四齡子孀居不改孝事翁姑教子恕入邑庠孫邦達亦髫年入郡序壽八十四卒

朱正倫妻林氏

按青田縣志林氏朱正倫妻年二十九而寡守節教子瓊舉明經屢遇旌表

楊正仁妻施氏

按緬雲縣志施氏楊正仁妻年二十二寡二子相繼殤氏矢志不改紡績以養翁姑撫嗣子既孝且慈克全其節年七十二終

李彥時妻應氏

按縉雲縣志應氏庠生李彥時妻幼嗜書史頗知大義事舅姑以孝聞早喪夫遺孤僅七歲篝燈課讀泣繼以血延師必擇名儒或謂啓蒙聊取學步何須慎簡乃爾氏曰北轅適燕南轅適越孺子初軻可不審所向乎後厥子文行雙美冠冕士林式穀之教遠矣年八十有六博士繆伯昇顏其閤

朱秉思妻徐氏

按縉雲縣志徐氏朱秉思妻年十九而寡父勸更適氏指門前溪水云此水可改從山後流否父知其不可強遂止縣令陳世忠旌其門

虞良璧妻麻氏

按縉雲縣志麻氏虞良璧妻年二十一夫亡剪髮誓志子甫數月紡績撫孤垢容縞服言笑不苟學使旌其門卒年九十有二

朱芝蘭妻田氏

按縉雲縣志田氏朱芝蘭妻年十八適朱纔三月夫亡家貧紡績以奉翁姑嗣子正卿以爲未守計頻遭兵荒流離顛沛節操益堅不以青年易志不以家貧改行年八十有二卒

田同言妻鄭氏

按縉雲縣志鄭氏田同言妻青年寡居侍舅姑相起居時寒煥一食一衣必自手出教子不事姑息長猶捷罰以正言相戒懿德徽音可爲世法

田時昌妻鄭氏

按縉雲縣志鄭氏田時昌妻嫁甫年而寡矢志靡他躬紡績以膳舅姑二十年如一日營舅姑與夫墓并

附己墳盡同室同穴之義鄉黨稱其苦節

田芳春妻李氏

按縉雲縣志李氏庠生田芳春妻性貞靜識大體捐奩飾以佐夫讀年二十四夫亡家計窘迫十指代耕以充姑膳爲子延師雖費不計壹範卓然鄉黨稱服陳有時妻葉氏

按縉雲縣志葉氏陳有時妻年二十八夫沒砥節守志日夜悲悼遇歲節則泣臥不起如是者四十年面無喜色躬紡績撫四子一女勉爲婚嫁年七十哀痛如故

朱色錦妻田氏

按縉雲縣志田氏庠生朱色錦妻性貞靜習婦儀敦孝敬年二十夫亡剪髮毀容誓無他志孀居十餘載竟以哀悼致疾而終

應九思妻徐氏

按縉雲縣志徐氏儒士應九思妻年十九而寡子甫六月舅以家貧子少守否聽其自裁氏泣曰婦去舅姑誰與奉養數月孤兒誰與撫育遂矢志靡他紡績度日姑病必親嘗藥數月衣不解帶享年六十六孀居四十餘載如一日有司歲給米帛旌表其門

李繼承妻周氏

按縉雲縣志周氏李繼承妻年二十二夫亡孝養孀姑慈撫弱子家貧紡績度日白首如初屢被旌表

田國泰妻李氏

按縉雲縣志李氏田國泰妻年十九而寡鞠鞠祿從姪兆甲爲繼甫弱冠娶鄭氏未三載而兆甲沒李以痛子成疾而沒鄭一身勞瘁復遭寇亂家計蕩然仍

立從子於礪爲後盡毀釵釧禮葬舅姑隨其夫之本生父母以完其夫未了之志

樊弘意妻麻氏

按縉雲縣志麻氏庠生樊弘意妻孝事舅姑幽嫺貞淑妾生一子視如己出子五歲而夫亡氏撫孤爲諸生娶媳生二孫長四歲次一歲而子又喪復撫養孤孫備極艱苦兩世伶仃賴以不絕年八十五卒

姚信妻吳氏

按慶元縣志吳氏姚信妻年十九信亡無子家貧勤女工以自給誓不改節年九十九卒

葉弘妻余氏

按慶元縣志余氏葉弘妻年十九弘死遺孕數月堅志守節雖餓粥不給終身無憂年六十五卒縣令旌其門

姚輕貝妻吳氏

按慶元縣志吳氏姚輕貝妻年二十夫死貧苦自守始終無二年九十卒縣令旌其門

鄭季廉妻戴氏

按宣平縣志戴氏鄭季廉妻年二十四夫亡無子養姑勤苦三十餘年事聞旌其門

鄭中道妻王氏

按宣平縣志王氏鄭中道妻德性貞靜年十九夫亡矢志孀守一切慶弔不與撫兩月子成立年六十卒

陳宗達妻王氏

按宣平縣志王氏陳宗達妻年二十而嫁甫一年而寡苦節以事舅姑菽水盡養繼繼訓子學賢食廩邑庠嵯使表其門

鄭正浩妻陶氏

按宣平縣志陶氏鄭正浩妻年十八于歸二十三夫亡孝事姑嫜晨昏無倦二親連喪代夫爲子家貧苦守有婢遺腹六月生男嘉善氏撫若所生教之成立食廩饌年六十九卒

鄭日章妻吳氏

按宣平縣志吳氏鄭日章妻年十七于歸二十六夫亡潔菽水以孝養二親及沒殯殮無資宗族憫而周恤之立嗣子承祧撫育若己出苦守四十餘年七十而卒

潘高聘妻鮑氏

按宣平縣志鮑氏潘高聘妻夫亡遺孤方五週家貧孝事二親蘋蘩無愧勤紡績撫育孤兒年七十五卒

陳福祥妻鄭氏

按宣平縣志鄭氏陳福祥妻年二十而嫁二十七夫以孝事翁姑和處妯娌一切慶賀不與撫養孤兒克成宗族咸稱之年六十終

章元器妻盧氏

按宣平縣志盧氏諸生章元器妻年二十二夫亡矢志守節撫育兩子正廷正典紡績勸家正廷甫娶而沒其妻蔡氏年十六遺腹生子姑媳共苦守終身

鄭有哲母全氏

按宣平縣志全氏諸生鄭有哲母夫亡苦節家貧紡績度日教子爲諸生年八十終

鄭毓英妻王氏

按宣平縣志王氏諸生鄭毓英妻年十九而嫁侍翁姑孝接妯娌和二十五夫沒遺孤炳方二週氏撫育

延師教之克全母志得屢養親孀居四十餘年年六十七卒

徐德貴女

按宣平縣志徐德貴女年十六許配蔡士恆子元錫錫天女聞訃遂更素衣慟哭往弔歸事父母內衣素縞外襲青衣守志不嫁哀慕成疾越數歲而沒

陶明猷妻鄭氏

按宣平縣志鄭氏陶明猷妻夫亡家貧茹淡遺腹六月生子天壽苦志紡績撫養成人克全婦節年七十而終

陳承祖妻朱氏

按宣平縣志朱氏陳承祖妻年十八歸陳二十夫亡家貧甚紡績度日年近八旬鄉閭咸稱苦節

吳道源妻鄭氏

附鄭氏附

按宣平縣志鄭氏吳道源妻善事翁姑克相夫子妯娌各相愛敬夫亡撫育幼子士勤娶媳陶氏士勤夭姑媳共撫孤孫織麻紉苧形影相隨年並七旬鄉閭稱其節孝

鄭有經妻王氏

按宣平縣志王氏庠生鄭有經妻夫亡孝事翁姑撫遺腹成立歷四十年如一日事聞旌表

欽定古今圖書集成明倫彙編閩媛典

第二百二十三卷目錄

閩節部列傳一百五

明一百

王松繼室秦瑞姑陳氏附 胡廷佑妻黃朝姑

魏焯妻林仕姑 余元佳妻李金姑

陳復賜妻魏德姑 陳應時妻曾玉英

林田妻游德姑 李修妻朱仁厚

陳祚妻張氏 丁子文妻陳扁姑

陳細舉 林柳妻廉氏

林渭妻莫氏 林離妻鄭氏

黃潭妻林氏 陳梅妻黃氏

宋宣妻吳氏 朱君直妻翁氏

陳淳妻蕭氏 林獻策妻黃貞秀

鄭子會妻張氏 余國盛妻李氏

丘茂濟妻張氏 周道本妻程氏

卓大梯妻陳氏 朱仕顯妻林貞淑

黃漢妻陳氏 陳會妻卓氏

翁世資妻耿氏 翁世用妻沈氏

方良節妻朱氏劉氏 黃肇妻王氏張氏

鄭登高妻富氏黃氏 陳漢妻李氏

凌文塾妻陳氏 蔡賢妻張氏

蟻鳴虞妻陳氏 柳熙妻柯氏

黃子隨妻洪氏 鄭國贊妻林氏

柯木妻林氏施附 方子受妻張氏

朱茂良妻吳氏 康子瞻妻葉氏

唐堯章妻林氏 李允時妻鄭氏

林獻表妻陳淑婉

陳守信妻林氏

鄭大猷妻林氏

郭文光妻徐氏

郭良棟妻鄭氏

康志緒妻李氏

鄭舜觴妻許氏

林一珩妻黃氏

馬浩妻陳氏

彭祖振妻黃氏

林示乾妻彭氏

林文珽繼室謝氏

洪有臨妻史氏

歐陽承第妻九氏

林瞻曠妻陳氏

吳二姐

楊格妻陳氏

陳如玉妻張氏

游壯猷妻曾氏

林樸素妻蔡氏

張珍偉妻朱氏

許氏女

謝之屏妻何氏

張鄧妻蔡氏

區金妻梁氏

周妹

潘氏女

林廷燦妻陳氏

宋大樞妻鄭氏

吳三重妻林氏

林昂霄妻方氏

林祖綬妻彭氏

宋玉卿妻陳氏

黃希東妻方氏

薛祥妻龔氏

韓志源繼室林氏

陳樞妻鄭氏

陳庚妻林氏

李溥麟妻傅細娘

黃鍾聲妻周氏

洪沂妻王氏

某氏女

陳希聘妻鄭氏

陳鍾鳳妻鄭氏

李宸揚妻陳氏

陳通妻張氏

李繼岐繼室朱氏

詹洪妻莫氏

李澤妻梁氏

羅昌儒妻蘇氏

梁綱之妻謝氏

霍若祺妻方氏

嚴養蒙妻區氏

關敬堯妻歐氏

余元相妻崔氏

李一桂妻楊氏

譚紀妻李氏

張世堅妻李氏

張嶠妻李氏

陳張科妻鄧氏唐氏附

李元早妻譚氏

黃閣妻張氏

陳慶公妻林氏

陳應龍妻古氏

劉宿妻鄭氏

李純庵妻陳氏

陳確軒妻楊氏

吳克紹妻丘員

莊堅妻姚氏

游某妻龐妙娘

黎質妻黃氏李氏附

黎民直妻陸氏

李太福妻黎氏

何貴妻歐氏

趙宗禮妻莫氏

譚漢妻李氏

胡珍妻古彰貞

馬駿妻李氏

何浩妻賴氏

宋元貴妻何氏

吳秉純妻梁氏

梁之翰妻劉氏林氏附

蕭瑒妻范氏

鄭文參妻吳氏

閩媛典第二百二十三卷

閩節部列傳一百五

明一百

王松繼室秦瑞姑陳氏附

按古田縣志秦瑞姑年十六爲王松繼室甫三年而松亡前妻長子煥先松二載夭妻陳氏名長姑年二十次子燁亦娶於陳名蓮姑燁亦早死蓮姑年二十九越三載蓮姑又亡獨存瑞姑長姑二寡分雖姑婦年則相若相依爲命跬步不離共撫蓮姑所出子捷

其外戶屏壯僕言語莫聞其聲吳航司馬陳幼溪稔其事作歌紀之

胡廷佑妻黃瑚姑

按古田縣志黃瑚姑胡廷佑妻年二十四喪夫撫三歲子文懷遺就師訓弱冠爲諸生食廩餼縣令表其門

魏焯妻林仕姑

按古田縣志林仕姑舉人魏焯妻年二十夫沒於京師仕姑甘守苦節訓嗣子成家縣令表其門卒年六十有九

余元佳妻李金姑

按古田縣志李金姑余元佳妻年二十四喪夫孀居苦守紡績自給撫二子成立次子亨節爲諸生縣令旌表

陳復賜妻魏德姑

按古田縣志魏德姑陳復賜妻年二十夫與翁相繼沒撫遺腹一子形影相弔甘貧苦守事寡姑艱辛獨任無笑謔客子長爲婚娶縣令旌之

陳應時妻曾玉英

按古田縣志曾玉英儒士陳應時妻年二十夫亡撫遺腹子七歲而殤守節四十餘年不出房閨縣令表其門

林田妻游德姑

按古田縣志游德姑儒生林田妻年二十二喪夫無子甘貧守節撫女遺嫁營夫葬立嗣承宗年七十八縣令表其門

李修妻朱仁厚

按古田縣志朱仁厚庠生李修妻家貧勤紡績事舅姑以孝聞修宋儒李延平十四世孫也生子元氣兩

月而身匹氏年二十一元氣娶戚以衣巾奉延平祀比壯與妻俱夫朱復撫孫長芳納於義方以延李氏後事聞旌表年六十九終

陳祥妻張氏

按古田縣志張氏陳祥妻歸陳三載而寡矢志自勵績紉而蠶蠶蠶爲食歷年八十未嘗聞笑謔之聲事聞旌表

丁子文妻陳扁姑

按古田縣志陳扁姑丁子文妻年十八嫁文閱二年而文沒舅姑憐其少欲遣去之陳指天誓曰微此孤早從子文於地下矣及舅姑相繼喪殮葬俱盡力區畫門內事并如也撫夫弟子章雖雙而實母之年近七十猶康強不衰

陳細舉

按福清縣志陳細舉方民里人許宇新安里鄭從岳將嫁岳亡細舉奔喪哭畢獨居一小樓足不下梯兄弟相見不踰閭蓬首垢面毛髮鬚髮望之不類人形鄰失火將及促之避不聽曰死吾分也何避爲頃之風反鄰屋俱燼而細舉所臥樓獨存觀者皆歎異未幾岳父沒庶姑遺子始孩賴細舉撫之得活卒年八十餘天啓四年巡按御史喬承詔奏旌門閭

林柳妻廉氏

按福清縣志廉氏林柳妻柳伯兄林楊以布衣詣闕繫獄十八年柳萬里往視沒於金壇氏撫二子苦守五十七年孫曾森立氏爲林氏第二支祖妣百代不

祧

林渭妻莫氏

按福清縣志莫氏林渭妻渭亡氏年二十五子銓方四歲事寡姑廉氏極孝撫孤子域登鄉薦任縣令守節四十五年七十卒

林灘妻鄭氏

按福清縣志鄭氏林灘妻灘力學病亡氏年二十有四撫五歲子成立見孫食廩餼卒年六十一苦節三十八載

黃潭妻林氏

按莆田縣志林氏大理卿茂達女黃潭妻年二十五而寡守志撫孤歷三十五年終

陳梅妻黃氏

按莆田縣志黃氏陳梅妻歸陳未幾夫亡守節撫遺腹子成立養姑送其終督學旌表

宋宣妻吳氏

按莆田縣志吳氏舉人宋宣妻宣沒於旅邸吳孀居事舅姑以姪萬葉爲嗣年八十一卒以萬葉貴贈恭人

朱君直妻翁氏

按莆田縣志翁氏朱君直妻年二十四而寡矢志撫孤三十年卒

陳淳妻蕭氏

按莆田縣志蕭氏光祿承光甫女陳淳妻年二十五而寡矢志撫孤五十二年終

林獻策妻黃貞秀

按莆田縣志黃貞秀太守相孫女林獻策妻年十九

而寡無子守志三十年卒

鄭子會妻張氏

按莆田縣志張氏鄭子會妻子會有孝行及病亟不能語書節孝勤儉四字并木尺一條付張氏張年二十九抱二子與訣斷一指爲信以漆匣盛四字並木尺奉之惟謹事二世大姑以孝聞遺嫁夫之姑及姊妹咸盡禮家產告竭無怨

余國盛妻李氏

按莆田縣志李氏余國盛妻年二十二國盛客死無子聞訃即自經姑覺得解竟以此成疾守志三十餘年卒

丘茂濟妻張氏

按莆田縣志張氏丘茂濟妻年二十四而寡守節三十餘年卒

周道本妻程氏

按莆田縣志程氏周道本妻年二十四夫沒無子守節五十餘年卒

卓大棉妻陳氏

按莆田縣志陳氏卓大棉妻年二十三而寡守節五十六年卒

朱仕顯妻林貞淑

按莆田縣志林貞淑朱仕顯妻年二十四而寡家貧無子守志六十五年卒

黃漢妻陳氏

按莆田縣志陳氏知府叙女黃漢妻壬戌城陷漢死陳歷艱苦守節與一幼女焚斃相依年四十二卒

陳會妻卓氏

按莆田縣志卓氏陳會妻年二十四而寡孀居養舅以孝稱歷五十五年卒

翁世資妻耿氏

按莆田縣志耿氏尚書翁世資妻年十八孀居終老太守旌之年七十九卒

翁世用妻沈氏

按莆田縣志沈氏參議翁世用妻年二十而寡矢志孀居六十餘年卒

方良節妻朱氏劉氏

按莆田縣志朱氏劉氏並布政方良節妻朱黃石人劉惠州府人年俱十九孀居無子相依守節朱年六十五劉年七十二

黃鞏妻王氏張氏

按莆田縣志王氏張氏並大理丞黃鞏妻王順天人張湖廣人王年二十二張年二十五俱孀居無子相依守節終始無間太守沈鑾旌之提學周琬月給米一石王年六十七終張年七十

鄭登高妻富氏黃氏

按莆田縣志富氏黃氏並參政鄭登高妻富順天人黃應天人富年二十八黃年二十五俱孀居無子貧苦守節壽終

陳漢妻李氏

按莆田縣志李氏陳漢妻生子甫晬而漢亡李年二十二撫孤守節太守旌之卒年六十六

凌文塾妻陳氏

按莆田縣志陳氏庠生凌文塾妻年十九而寡守節五十餘年

蔡賢妻張氏

按莆田縣志張氏蔡賢妻年二十而寡矢志守節食貧撫孤太守旌表年八十終

蟻鳴虞妻陳氏

按莆田縣志陳氏蟻鳴虞妻年二十六夫沒家貧矢志撫遺腹子成立卒年六十六

柳熙妻柯氏

按莆田縣志柯氏狀元潛姪女舉人柳熙妻熙沒旅邸無子柯年二十八守節四十餘年卒

黃子隨妻洪氏

按莆田縣志洪氏黃子隨妻年二十四而寡家貧守節養舅姑盡孝卒年九十一

鄭國贊妻林氏

按莆田縣志林氏鄭國贊妻年三十二而寡拮据紡績養翁以孝聞撫二孤成立年七十八終

柯木妻林氏

按莆田縣志林氏庠生柯木妻年二十八夫亡子賜幼舅姑老孀居十二年克盡孝養購亦娶於林年二十二亦寡守節撫子如姑御史方元彥月給米一石表其門

方子受妻張氏

按莆田縣志張氏方子受妻年二十五而寡誓死守節撫妾子成立太守旌之

朱茂良妻吳氏

按莆田縣志吳氏學士希賢孫女朱茂良妻年十七而寡撫遺腹子守節終身

康子瞻妻葉氏

按莆田縣志葉氏康子瞻妻年二十一而寡家貧守志孝事舅姑年七十餘終

唐堯章妻林氏

按莆田縣志林氏布政澄源姑唐堯章妻年二十七而寡二子尚幼家貧孀居六十餘年御史劉芳譽旌之為給月米優恤復奉例給羊酒年九十終

李允時妻鄭氏

按莆田縣志鄭氏李允時妻年二十四而寡撫孤守節四十餘年

林獻表妻陳淑婉

按莆田縣志陳淑婉太常卿音孫女林獻表妻年十九而寡矢志守節教子終身

林廷燦妻陳氏

按莆田縣志陳氏林廷燦妻年二十五而寡守節課子喬英力學孀居四十餘年卒

陳守信妻林氏

按莆田縣志林氏陳守信妻年二十三而寡誓死守節孀居五十八年卒

宋大挺妻鄭氏

按莆田縣志鄭氏舉人宋大挺妻挺任祁門訓導逾年而沒鄭年二十家貧撫孤孀居四十年

鄭大猷妻林氏

按莆田縣志林氏鄭大猷妻年二十三而寡無子誓不易志孀居五十年卒

吳三重妻林氏

按莆田縣志林氏吳三重妻年二十五而寡子道立甫十月矢志撫道立領鄉薦為知州林年九十終

郭文光妾徐氏

按莆田縣志徐氏吉府典寶正郭文光妾年十八光沒守節四十餘年天啓間奉詔旌表

林昂霄妻方氏

按莆田縣志方氏禮部儒士林昂霄妻年二十二夫亡守志天啓四年詔旌表

郭良棟妻鄭氏

按莆田縣志鄭氏尚書郭應聘子良棟妻夫早亡守節奉詔建坊旌表

林祖綬妻彭氏

按莆田縣志彭氏林祖綬妻參政文質女歸二年夫沒年二十奉姑守節四十五年卒天啓間旌表

康志緒妻李氏

按莆田縣志李氏縣令廷春女康志緒妻早寡守節白首如初天啓間奉詔旌表

宋玉卿妻陳氏

按莆田縣志陳氏宋玉卿妻年二十八而寡遺孤甫二歲孀居四十七年卒

鄭舜弼妻許氏

按莆田縣志許氏鄭舜弼妻年二十二而寡守節撫孤御史表其門

黃希東妻方氏

按莆田縣志方氏黃希東妻年二十二而寡家貧守志養舅姑盡孝鞠二孤成立壽終

林一珩妻黃氏

按優遊縣志黃氏林一珩妻善化里人溫恂寡言善事翁姑年二十七夫亡苦守冰霜撫幼子躬築翁姑墳墓喪葬盡禮年七十終天啓間奉詔旌表

薛祥妻龔氏

按寧德縣志龔氏薛祥妻年二十六祥從戎囑以老母幼子期五載當還既別二年沙寇鄧茂七反襲扶姑攜子避草莽間亂稍定祥計音至悲慟幾絕義姑訓子一如祥囑姑沒以禮殯葬父母令再嫁不從以苦節終身

馬浩妻陳氏

按寧德縣志陳氏馬浩妻年二十浩亡矢志守節母家令再適不從勤女紅手植園蔬以自給年八十餘卒

韓志源繼室林氏

按寧德縣志林氏韓志源繼室年二十四夫亡子尚幼里之富人慕其美因志源弟圖為側室林大怒抱子慟哭或曰渠豈肯為人妾耶未幾復求為妻亦堅不從或曰渠不忍舍子也及子暴亡林號泣欲死又有求聘者至林終斥之人始服其節

彭祖振妻黃氏

按寧德縣志黃氏彭祖振妻振以陰疾不能成禮氏絕無怨悔事姑孝謹竭力攻女紅未幾祖振痰瘵旦夕背負出入爬搔洗沐終始不怠祖振死氏年二十五撫姪為嗣里人失偶者聞其賢多求聘之誓死不從既而從父欲與宦家為繼室逐之歸氏覺脫還孀居四十餘年有司旌表

陳樞妻鄭氏

按寧德縣志鄭氏陳樞妻鄭世觀季女年二十四夫病亡入勸之再適泣曰如二子何攜往母家勤苦紡

續以撫成之年七十四縣令旌其門

林示乾妻彭氏

按漳德縣志彭氏生員林示乾妻夫以城陷死值倭亂離散氏獨扶姑避山中姑病篤禱天求代未嘗就寢齋素終身

陳庚妻林氏

按漳德縣志林氏諸生陳庚妻素閑內則事庚柔順庚篤學每讀書至夜分林必躬具食佐之遂以文學顯名於時人稱為樂羊內子及庚天死長子夢鴉甫三歲次子夢龍遺腹氏苦志守節老而彌堅辛酉之變提攜孤幼艱危萬狀二子竟克有成年六十五卒

林文珽繼室謝氏

按漳德縣志謝氏生員林文珽繼室年二十歸林甫二歲珽病篤一子髮未燥珽懼其有他志謂曰汝能終我事乎謝掩泣剪髮以示珽遂瞑目未幾倭賊充斥獨抱孤子奔竄凍餓荒山蒼莽中狼狽萬狀竟克撫成其孤

李溥麟妻傅細娘

按南安縣志傅細娘李溥麟妻麟沒氏無出妾生三子皆稚氏哀痛幾絕撫三子如己出教訓克底於成舅姑與夫奄奄皆自經營朝夕勤儉以補不足固守遺業無所失墜

洪有臨妻史氏

按南安縣志史氏洪有臨妻臨以省試不售憤恚成疾死氏年二十五哀毀骨立守子啓聰官戶部史為謹局輪閑出入聰欲具疏請旌史遽止之其苦節不求名如此

黃鍾聲妻周氏

按南安縣志周氏郡學生黃鍾聲妻夫早亡氏哀毀幾絕撫孤鼎象紡績自給舅姑沒氏竭力殮葬淚枯眼翳數年若盲後鼎象為祇舅復明鼎象貴封太孺人年九十卒

歐陽承第妻九氏

按南安縣志九氏廉州知府九拔女泉州衛指揮僉事歐陽承第妻年二十承第以襲爵死於途子瑞會未及笄氏聞訃痛絕誓以死從以翁命立孤孀居四十餘年孝事二親賓祭饋助咸得其歡課子愛而知勞既襲祖職教之以忠恕瑞會以游戎廓清山海懋著膚功皆母訓也以覃恩封恭人

洪沂妻王氏

按南安縣志王氏年十七適洪沂甫週歲而夫沒撫遺腹子家貧力作以承翁及繼姑之養族戚憐之論改適不聽苦節訓其遺孤足不踰閭卒年七十有八

林瞻職妻陳氏

按海澄縣志陳氏林瞻職妻萬戶元戎文煬女也年十六于歸未七載夫病篤氏泣曰願相從無後先夫曰死易耳勿遺孤貽我父母憂氏乃嚙指以誓及夫亡撫孤成立事翁終老訓子通經孝姑敬叔和妯娌御戚復無不盡善子長畢婚氏疾作召子曰爾父須我久矣無庸藥石也遂卒

某氏女

按海澄縣志某氏女六歲許字鍾有聲有聲遠賈不歸女待之年二十八兩家父母皆願罷婚女不從歸鍾奉有聲母天啓間有聲訃至又十餘年聲母沒親

黨憐其無依勒之改適笑曰如有他志豈至今日乎親黨敬之共給養焉

吳二姐

按海澄縣志吳二姐儒士吳錦長女也萬曆間許聘鍾異聲未娶而異聲遊粵至天啓五年不歸氏年二十有八矣鍾母許罷婚二姐不聽遂入鍾門鍾素貧家壁立二姐勤女紅以養未幾聲沒於粵聲母亦尋逝族人使嫁二姐曰有他志豈至今日乎族人憐之逕供給焉卒年八十有五

陳希聘妻鄧氏

按漳平縣志鄧氏永福里人適陳希聘年二十六而寡遺孤方在抱矢志撫育家貧紡織為生歷四十餘年苦節始終如一

楊格妻陳氏

按漳平縣志陳氏和睦里陳生楊格妻年二十六格以水漿不入口者數日其姑念幼孫無恃多方調護得不死泣血三年未嘗見齒事舅姑盡孝妯娌內外共稱其賢

陳鍾鳳妻鄭氏

按漳平縣志鄭氏居仁里人國學陳鍾鳳妻鍾鳳早沒鄭孀居四十餘年貞操不二直指旌其門

陳如玉妻張氏

按漳平縣志張氏陰陽訓術陳如玉妻年十八嫁四載夫亡遺腹生一女或諷再適曰子之有無命也吾不負吾夫而已後女殤姑喪喪無依日紡績自給年七十終

李宸揚妻陳氏

按平和縣志陳氏龍溪人縣令陳日炳女年十八適西山儒士李宸揚過年生子不育揚病亡陳年二十矢志守節歷二十餘年兄公隨州知州宸詔爲立其次弟宸注第三子開柱爲之後

游壯猷妻曾氏

按平和縣志曾氏新安里人孝廉曾宏中嫡孫女也在坊庠生游壯猷妻年二十二無子夫亡呼天慟地欲以身殉翁慰之曰汝無異志吾子雖死猶生何必死哉爲立幼孫爲後氏朝夕孝事舅姑終其身

陳通妻張氏

按平和縣志張氏馬塘人年十七適儒士陳通甫一年而通死姑以其無出令改適張以死自誓乃令歸母家貧日坐一隅視不移席勤女紅自給餘則寄以奉姑如是者十年族人義之爲立嗣而其姑仍攜嗣孫別居以遠張姑適病痢張聞步馳五十里往奉之三十七日衣不解帶得愈姑遂感激與歸嗣子珍後亦成立

林樸素妻蔡氏

按平和縣志蔡氏龍溪墨場人林樸素妻當王文成建邑鳩民之初蔡從其夫來殖棘鑿壤家焉生一女四子皆未長而樸素以家貧苦守力機績教諸子成家歷數十年卒

李繼岐繼室朱氏

按平和縣志朱氏舉人李繼岐後妻年十九夫亡事翁姑至孝已無所出撫前妻子仕衡成立弱冠補弟子員

張珍偉妻朱氏

按平和縣志朱氏新安里人儒士張珍偉妻年二十四夫亡姑老子具錦在抱氏苦守五十餘年具錦補邑增生孫士良登乙未進士天啓間巡按御史題旌坊表

詹洪妻莫氏

按上杭縣志莫氏邑民詹洪妻洪死莫年二十二子未一週姑王氏亦養居莫抱孩事垂白姑委曲求得其權王若不知其子之亡也既沒喪葬拮据成禮天啓辛酉年八十卒崇禎四年巡撫羅元賓具奏建坊旌表孫彌高登庚午賢書

許氏女

按將樂縣志許氏女其父世英家富巨萬女受聘於廖汶未歸而汶沒女誓不更字設汶神主事之終身雖至戚不得一見有司旌其閭

李澤妻梁氏

按廣東通志梁氏李澤妻順德人年二十四夫亡撫遺孤承問爲忠義衛經歷天啓辛酉姪待問典銓特疏題請建坊佛山旌表卒年七十有七

謝之屏妻何氏

按廣東通志何氏南海贈承德郎謝之屏妻貞靜端重治家有法年十八歸之屏二十七屏氏矢志苦守言不踰閫四十年子雲虬己未成進士奏請建坊旌表累贈安人

羅昌儒妻蘇氏

按廣東通志蘇氏順德生員羅昌儒妻儒士蘇年二十四矢志不二竭力奉姑父母不能奪其志一女適陳產二子皆沒女守志如母御史郭文周學使張希

舉共表其門

張鄧妻蔡氏

按廣東通志蔡氏東莞儒士張鄧妻年十七歸張越兩載夫亡氏年十九擗踊哀傷誓不食以死念遺腹忍死生子厚積翁鵬以清白吏歸田甚貧翁姑沒氏脫簪珥以殯居常紡績自給年七十三旌表

梁綱之妻謝氏

按廣東通志謝氏高要人生員梁綱之妻歸三載生子昌引夫亡觸棺求死翁姑勸慰撫育遺孤未幾翁喪動紡績養姑昌引幼得疾瀕危有飛鳥投止氏懷遂無恙稍長教以義方肅謹不懈戒惜字紙不使墮地姑病禱以身代天啓甲子昌引舉鄉薦

區盒妻梁氏

按廣東通志梁氏高明人區盒妻二子方在襁褓夫亡梁年二十五矢志自勵事姑歷久愈恭教養二子皆克成立卒年八十一孫懷素舉孝廉

霍若祺妻方氏

按廣東通志方氏南海庠生霍若祺妻年二十四夫亡遺子蒙拯及一女未週歲氏毀形截髮以死自誓縞衣素食日事紡績三十餘年不窺戶外天啓二年奉旨建坊旌表卒年八十五

周妹

按廣東通志周妹周世安女許聘區姓未嫁區亡女爲服三年誓不字人兄弟力農而家貧女紡績自給六十年如一日御史蔡夢說具奏建旌表

嚴養蒙妻區氏

按廣東通志區氏高明人生員嚴養蒙妻濟寧州同

知區世美女歸三載夫死氏年二十矢志靡他事舅姑撫幼姪食貧六十餘年縣令表其閭

潘氏女

按廣州府志潘氏女父嗣求番禺西村人許聘同里唐某某遊西粵沒於旅舍女聞訃私呼其保姆同馳往唐欲畱守喪父兄知之疾追至半途執回哀哭不休強之改字不從遂幽閉一室絕其飲食旬日女唯飲七夕所貯聖水得不死因請於室傍築一屠蘇朝夕焚香誦經數年而死

關敬堯妻歐氏

按廣州府志歐氏順德龍津人適赤花關敬堯宗黨有鴻光之譽無何敬堯遊蒼梧死氏年未三十家貧苦節終歲不踰閨閤勤紡績教子永鎮永鉅綿繆皆成立至老猶親女紅不輟族里化之卒之夕鄉人爲罷中秋之慶

余元相妻崔氏

按廣州府志崔氏新會余元相妻年十九歸余二十七而相以子一俊甫週家無腹心庭有辛罄諸難駢臻疊加劫盜氏孑然幾不能存泣曰熒熒星火而與水同域其勢必滅遂避地居城依其新姻垂二十子乃成立居恆濟困窮撫養復恩卹甚周鄰婦攜譽崔以片言折中無不欣服晚年持素念佛年八十四無疾終

游某妻龐妙娘

按廣州府志龐妙娘年十九歸游某纔五月而夫公晬死相從遺腹生子賓讓遂撫孤成立孀居五十年卒

李一桂妻楊氏

按廣州府志楊氏新會庠生李一桂妻年二十三夫以無子毀容矢志終其身

黎質妻黃氏

按從化縣志黃氏水東廩生黎質妻御史元昌次媳歸質四年生子民喪數月質亡父母欲奪其志矢志不渝居恆素服瘁容惟勤紡績咸里鮮觀之者撫養成立補邑弟子員娶李氏三載舉一孫而喪亦沒李與姑並守孀節黃年八十有四李年八十有七

譚紀妻李氏

按從化縣志李氏水東生員譚紀妻適紀三歲紀亡李年二十三姑及父母俱欲奪其志氏以死自誓紡績以撫其子始終不渝年八十餘卒

黎民直妻陸氏

按從化縣志陸氏水東生員黎民直妻直亡陸年二十餘守節不二或憫其無子勸改志不聽族人建祠猶捐金以助

張世堅妻李氏

按從化縣志李氏水西人香家村張世堅妻年十九適堅逾年生一子堅亡李毀容惡服誓不再嫁雖親戚鮮觀其面年五十餘終

李太福妻黎氏

按從化縣志黎氏水東人水西民李太福妻年二十四夫以無子昆弟令改適黎嘆曰無夫無子賦命之薄極矣又安用改節爲毀形去飾終身不出閨闕年八十餘卒

張嶠妻李氏

按從化縣志李氏水西張嶠妻嶠早亡無子止遺二女氏年二十七誓不更適竭力奉舅姑撫夫兄子爲後舅姑沒夫兄蕩其產李矢志益堅或諷改行輒唾之含哀茹苦嫁其二女孤守終身

何貴妻歐氏

按陽山縣志歐氏浦下鄉人何貴妻年二十一貴亡歐無三族之親誓不再嫁終身縞素紡績以供戶役年八十縣令余悅表其門

陳張科妻鄧氏

按陽山縣志鄧氏儒士陳張科妻科亡氏年二十七撫孤三鳳及長娶婦唐氏方五月鳳亡唐年十七矢志如姑

趙宗禮妻莫氏

按連山縣志莫氏生員趙宗禮妻相夫成名年二十而寡冰霜苦節教子名揚登仕籍邑令旌之

李元早妻譚氏

按仁化縣志譚氏紫嶺人年十七歸李元早越五年早亡譚誓不再嫁事姑甚謹撫育幼子紡績以供修脯孀居四十七年始終如一

譚漢妻李氏

按仁化縣志李氏石塘人譚漢妻年十九夫亡零丁無倚老姑衰憊失明李常以舌吮目幾復見守節撫孤矢志無二年八十終縣令申請旌門

黃閣妻張氏

按長樂縣志張氏儒士黃閣妻年二十七而寡矢志撫孤終其身

胡珍妻古彰貞